

الحلقة ٧ - الصراط

أحمد عامر

دلوقتي الحساب خالص. وكل القرارات صدرت. والناس ماشية. يا رايحة الجنة يا رايحة النار. وانت معهم وانت لمحت الجنة بعينك وعاييز تروح لها بس عشان تروح الجنة لازم تعدي على الصراط - [00:00:08](#)

الصراط جسر فوق جهنم ادق من الشعرة واحد من السيف وانت واقف في اوله ولازم تمشي وهو طريق واحد وما فيش رجوع قبل ما تمشي بتبص على الناس وهي بتعدي - [00:00:20](#)

ودعوى الرسل يومئذ اللهم سلم سلم. الرسل على الصراط بتقول اللهم سلم سلم وانت بتبص حواليك وفي ناس بتجري كالبرق وكالريح. وفيه اللي كأنه سايق عربية وماشي بسرعة وفيه اللي بيجري - [00:00:34](#)

وفي اللي بيتمشى وفي اللي بيتكعب ويلحق نفسه بسرعة وفي اللي للأسف بيقع في النار وفي اللي النار بتبعت كلابيب. الكلوب ده زي السنارة كده النار نفسها بتبعت كلابيب تخطف من الناس وتنزل - [00:00:48](#)

وانت بتبص عليه وشايفه بيقع ويبصرخ وبيقع في النار ودلوقتي جه عليك الدور ولازم تمشي لان هو طريق الواحد وما فيش رجوع. لو معدي في اي شارع او جسر في الدنيا يا هتمشي الصبح وتلاقي نور الشمس - [00:01:05](#)

يا تمشي بالليل وتلاقي عواميد منورة لك الطريق اما على الصراط فالموضوع مختلف والدنيا ضلمة ومش هيبقى معك نور الا لو ربنا رزقك النور ده اتخيل نفس المشهد تاني بطول الصراط. وهو فوق جهنم والدنيا ضلمة - [00:01:20](#)

وربنا بيقول يوم ترى المؤمنين والمؤمنات يسعى نورهم بين ايديهم وبايمانهم ماشي على الصراط منور. وشايف الطريق اكيد ده واحد هيعرف ينجو. لما يبص حواليه وهو ماشي العكس التاني ان ربنا بيقول عليهم بينادوا بقى المؤمنين دول انظرونا نقتبس من نوركم. استنونا بس ناخذ شوية من نوركم - [00:01:35](#)

قيل ارجعوا ورائكم. ارجع تاني للدنيا فالتمسوا نورا لان هو في الدنيا ما رضاش يبني النور ده. ما رضاش يحصل النور ده. ما رضاش يقول لربنا انا عاييز ارضيك عشان تنور لي في يوم القيامة. قل لي صحيح. اخبار مشيك ايه في الدنيا - [00:01:57](#)

اخبار صلاتك وعباداتك ايه طريقك لربنا عامل ازاى. وسرعتك فيه عاملة ازاى شوف مشيك على الصراط هو مقياس لمشييك في الدنيا في واحد واخذ الدنيا دي لن ابرح حتى ابلغ. زي ما سيدنا موسى قال انا هفضل مصمم وسابت وبعري على ربنا عشان انا عاييز الجنة - [00:02:11](#)

وفي واحد بيقوم ويقع في واحد بيكسل يوم ويبصصح يوم انت مين فيهم؟ عاييز تعرف هتبقى عامل ازاى على الصراط؟ اسأل نفسك انت عامل ازاى في الدنيا هنا انت ممكن تقف مع نفسك. وممكن تلف وترجع. وممكن تحاسب نفسك. عشان الموضوع هيسمع معك هناك - [00:02:32](#)

ولكن هناك ما فيش رجوع النبي صلى الله عليه وسلم الصحابة بيقولوا له اوصف لنا الصراط. قال لهم من حضى مزة عليه خطاطيف وكلابيب يا ترى هتمشي على الصراط ازاى؟ عاييزك تتخيل وانت دلوقتي حالا واقف في اول الصراط - [00:02:49](#)

وبتحاول تجيب اخره طريق طويل جدا. وبتبص يمين وشمال واتفرج على الناس وتبص تحت بتبص على النار ودلوقتي هتحت رجلك على اول خطوة على الصراط مشيك هنا عامل ازاى تقدر تحدد مشيك على الصراط هيبقى عامل ازاى - [00:03:03](#)